

Qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaatut siunnersuut**Saqqummiussissut**

(Aningaasaqarnermut Nunamullu Namminermet Naalackersuisoq)

Siullermeerneqarnera

Naalackersuisut sinnerlugit matumuuna qamutit motorillit akileraarutaat pillugit Inatsisartut inatsisaata allannguutissaanut siunnersuut saqqummiutissavara.

Siunnersuutip siunertarivaa snescooterit aamma entreprenørmaskiinat, qamutit motorillit motorcykilillu nalunaarsorneqartussaasut allat assigalugit akileraaruserneqarnissaat.

Naalackersuisut isumaqarput snescooterit aamma entreprenørmaskiinat nalunaarsorneqartussaasut akileraaruserneqarnerat qamutit motorillit motorcykelillu pineqarnerisuulli suliarineqassassut.

Tusarniaaneq tunngavingalugu Naalackersuisut aaliangersimapput siunnersuummut aaqqiissuteqalaarniarlutik. Ilaatigut aaliagiunneqarpoq qamutinut motorillinnut savaatillit tuttuutillillu sulinerannut atorneqartartunut akitsuusiinninnissaq attatiinnassallugu.

Kalaallit Nunaanni qamutit motorillit nalunaarsorneqartussaataa nerat pillugu nalunaarut nr. 573 1. august 2013-imi atuutilerpoq. Entreprenørmaskiinat snescooterillu 1. november 2013 aallarnerfigalugu politeeqarfinni nalunaarsortittussanngornerat nalunaarutip kinguneraa. Snescooterit entreprenørmaskiinallu, qamutit motorillit motorcykelillu nalunaarsorneqartussaataa sut pineqarnerisuulli qamutit motorillit akileraarutaannik akiliisussaannngortinneqarsinnaalernerat nalunaarsortittussaataa sut amerlinerisa aamma kinguneraa.

Entreprenørmaskiinat nutaannginnerusut ingerlatsivimmit atorunnaarneqarnissaanut imaluunniit maskiinanik allanik avatagiisinut migutitsinnginnerusunik taarserneqarnissaannik ullumikkut kajumissuseq, piginnittut ikummatissanut, kingoraartissanut il.il. qanoq annertugisumik aningaasartuteqarnerat appeqquttavoq. Qamutit motorillit akileraarutaat aningaasartuutitut taakkununga qaffassaataassaaq, taamaattumillu maskiinat nutaannginnerusut tunisassiornermilu killilimmik sunniuteqartut ingerlatsivinnit siusinnerusukkat atorunnaarneqarnissaanut kajumisitsilissalluni. Peqataanillu entrprenørmaskiinanik pisariaqanngitsumik atuinerit, aqqusinernillu nungullarterinerit, tamakkunangaaniillu mingutitsinerit killilersimaarneqassallutik.

Inatsisissatut siunnersuut taassumalu oqaaseqaatitai innersuutigissavakka.

Taamatut oqaaseqarlunga Naalakkersuisut sinnerlugit inatsisissatut siunnersuut Inatsisartunit Aningaasaqarmut- Akileraaruteqarnermullu ataatsimiisitaliami tulliliussatut suliaasangorlugu, aappaassaaneerseqarnissaanullu tunniuppara.